

Wiss'ner noch, wie's frieher war?

Wiss'ner noch wie's frieher war, ^{als} ~~un~~ unser Pulz noch bayrick war?
 Wie Blaabach noch e kleen Derfche war? ^{(in jedem Dorf e paar Heischer bk}
 Dreihunnert Inwohner bloß, ^{(un Obschtbaum han gestamm als}
 rechts un links Heiser an de Schdroß, * ^{jeder stros}
 im Hof die Hinkel un de Hahn,
 die Mischtkaut un de Fuderwaan.

An ~~der~~ Schdroß entlang han Obschtbääm gestann,
 soveel wie in de Langgewannn.

Im Friejhohr, do hat's gebliecht un geduft,
 un e Zwitschere un Summe war in de Luft.
 Die Schroß war bucklisch un met Schotter gestickt,
 die Lecher hat noch de Schosseemann geflickt.

Ob Matzeberg, Hohl oder Mauerweg,
 jeder hat jede gekennt im hinnituschte Eck.
 Ums Dorf die Wiese, Wald un Feld
 han die Leit vom Friejhohr bis Herbscht nin bestellt,
 Grumbeere geleht, gehackt un ausgemacht, Rumele gesetzt,
 Korn gesäht,
 un for's Vieh ^{es} Gras gemäht,
 Grummet gewend, uf Heifelcher gesetzt,
 fer die nächst Fuhr die Sens gewetzt.

Die Matzeberjer han e Päädsche getreht, daß se laafe kenne,
 fer in de Briehlwies es Hei se wenne.

Im Sommer schun in aller Friejh
 schallt's dorchs Dorf "Hott un Hüh!"
 un die Schdroß war verdraddelt vun de Gail un de Kieh,
 die Schpatze han Zeite gehad von Gold,
 do han se im Garde die Erbse nimmi gewollt.
 Die Hinkel han uf de Schdroß gescherret
 un sin ganz verdaddert
 vor jedem Fuhrwerk uffgefladdert.
 Die Schdroß, die hat de Kinner geheert,
 die hat domols noch kee Audo geschteert.
 Iwwerall han se schpeeke kenne, nimand hat was gesaad
 un se fortgejaad.
 In jedem Hof war e Higgelheische fer se hobse (hubse)
 un Lecher for die Gluggger (Klicker) enin se schtubse.
 Wenn im Herbscht die Herbschtzeitlose han gebliecht,
 do han die Kinner es Vieh gehiecht.
 Feierscher han se gemacht un drin die Grumbeere gebrood,
 do hat kee Mensch dennoch gefroot.
 Krotte han se gefang un wedder hobse losse
 un noch so allerhand fer dumme Bosse.
 Wer will's dann heit noch glaawe:
 In jedem Bach hat mer kenne baade.
 An jedem Brinnche hat's Wasser so gut geschmeckt,
 do hat ems Maul deno geleckt.

un was besser als heit' de deiersche Pekt

Die Kinner han schaffe misse, un ware se noch so kleen,
denn Arwet hat's immer geb deheem.

Die Alde ware in de Familie gut ufgehob,
ins Alderschheim hat se keener abgeschob.
Met kleene Arwedde im Haus, Hof un Schtall
han se verdient ehre Unnerhald.

Im Winder in de Lack es Fleesch in de Bitt,
es Kraut im Schdänner kleen geschnitt.
Newe dran die saure Bohne, han se ach net gut gerochm
gut geschmeckt han se doch.

Schneckedänz, die hat's net geb,
awer Waffele, Schneebällsscher un hooriche Knepp,
Kehl, Kollerawe un Riewe,
die Grumbeeree ware geschmelzt met Griewe.
Pannkuche gab's nor dann un wann.

Ware die dann aus de Pann,
do haam mer gleich hochgeblickt,
in eenem Rutsch zwölf Schtick verdrickt.

Als Kinner han mer unverdroß
Harzschmeer met Genuß genoß.
Veel schaffe han se misse die Leit,
un doch fand se noch Zeiit
for am Owennd uf de Bank se sitze
un met de Nochberschaft se schwetze,
mit de Baas un em Vetter,
iwer des un jenes un iwers Wetter.

Im Winter hat mer in de Nochberschaft gemaidd,
gehägelt un gestrickt
un manch scheenes Deckche geschtickt.

Mer hat verzeehrt un zugeheert,
was im Dorf so is basseert:
Wer heirade geht un Kinner kriecht
un wer wehn geere sieht.

Die Junge han gegiggert un gepischpert,
un im Owe hats Feier geknischtert.
Scheen hat's geklung,
wann mer mehrschtimmisch hat gesung.

E gudi Schtubb war ach noch do
met em Kannapee un Wertiko,
das war fer die Gäscht
an em ganz besonnere Fescht.

An Geselligkeit hat's net gefeehlt,
mer hat sich bemieht un im Winder Theater geschpielt.
Alt un Jung

han im Gesangverein gesung.
Jeder Verein hat uf sich gehall
un im Winder sei Baal gehall.
Zwee han ne immer angefeehrt
un die annere sin hinnenomascheert,

die Männer im dunkle Anzug, die Fraae un die Määd
im scheene neie Kläd.
Die Musik war dezend un angenehm.
Jo, so e Baal, der war schun scheen.

Um die Oschterzeit
war a Musik weit un breit.
's greeschte Fescht im Johr
war unser Kerb, die steht uns noch befor.
Schun e Woch defor werd gelifft,
geschrubt, gegreemt, gewichst,
es Haus fum Keller bis Schpeicher, geblitzt,
Bei Zeit ingelaad die Kerwegäscht,
dann werre noch e paar Hinkel gemäscht.
War mer jung un e Mädche noch,
hat mer schun frieh die drei erschte verschproch.
E neies Kleed hat mer kriecht un e Paar Schuh
un scheene Schtrimp dezu.
De Kerwekuche war fun besonner Art,
an nix hat mer do gespaart,
uffgedischt hat mer's Allerbescht
seine geladene Keerwegäscht.
Drei, vier Gäng! Is net geloo,
de Disch, der hat sich als geboo.
Met de Schtraußbuwe is mer dorchs Dorf gezoo,
un hat mer sich iwers Johr net gut gefeert,
in de Kerweredd hat mer's dann gehert.
Drei Daae hat mer gedantz, getrunk un geschwooft
un kaum e Au voll geschlooft.
Ja, wie mer jung war, ehr Leit,
das war doch e herrliche Zeit.
Heit is unser Dorf groß un scheen
un e Fremdeverkehrsgemeen.
Kä än Haus hat mee e Scheier un e Schtall,
die sin de Garage zum Opfer gefall.
Die Schtroße sin breet fer die Audo gebaut,
kee Kind un kee Aldes sich druf meh traut.
Un jetzt in Gedanke die Vorstellung blos:
E Heiwaan fahrt met zweee Kieh uf de Schtroß!
Bis no Kusel kilometerlang (bis ins näschte Dorf) kilometerlang
wär do glei e Audoschlang.
De Unnerschte Wald un Briehl sinn nimmi do. (kee frei Pfätzche is medo
do schtehn jetzt Heiser unn Bungalo.
Die meeschde Leit sin em fremd,
kaum, daß mer noch sei Nochbar kennt.
Heit fehlt's an nix meh, merr hat Fleesch un Worscht
un e gutes Bier ferr de Dorscht.
Schokolad fer sise Schnisscher
un Pempers ferr die kleene Schissercher,

Neilonschtrimp fer schtramme Bääncher,
Röschtworscht un gebrodene Hähncher
dufte dut`s an alle Ecke,
Muschele, Grabbe un a Schnecke,
Pomfritts, Krokette, Majonees,
fufzig Sorde Worscht un Käs,
Pizza, Giros, Russische Eier,
nix meh issne heit se deier.
Wer basst do uff uff Kilogramme?
Babbe, Dochter oder Mamme?
Das is halt so im Weldgesche,
ess is e Komme un e Gehe. ~~~~~
Ob unser Dorf in hunnert Johr noch steht
oder e Krieg es fotgeweht?
Vielleich iss mei Blaabach dann e Schtadd,
die e annere Name hat?
Awer das soll uns heit net schteere,
denn zu denne Blaabacher werre mer nimmi geheere.
Unser Chronik, er liewe Leit,
sollte Eich zeiche die alte Zeit.
Wie merr frieher gelebt hat ohne Schtress,
un merr hat ^{so}veel defunn gergess.
Die Kinner un Enkel un mer Alde (Ich wolle für uns alle
wolde noch eemol Rickschau halde, (besinn dich uns alde
denn nor, der wo die Vergangeheit kennt, (noch eemol Rickschau
net so blindlings in die Zukunft rennt. halde

nach einer Handschrift von Elsbeth Ruth, Blaubach,
vorgetragen am Erntedankfest der Landfrauen am 1.10.1989 im
Dorfgemeinschaftshaus